

ЙОСКАЛЫК БИБЛИОТЕКАЛЫ - 100 АР

Удмурт книга выже вотэсэ

Анастасия ШУМИЛОВА

2018-тй арын Удмурт Элькунысь Национальной библиотека пусъе 100 ар тырмонзэ. Кема арьёс чоже ини со тырше удмурт литератураез утыны но шаерамы ульсь калыкъяслэсь кусьпъяссэс юнматыны. Библиотекалэн директорезлэн воштисез Анна СЕМЁНОВА мадиз, кыче ужпумъяс пуксё библиотека азе туалала вакытэ.

- Анна Леонидовна, Йоскалык библиотека удмурт литератураез но лулчеберетэз азинтонъя одйгез валтйсь центр луэ.

- 1989-тй арын библиотекалы «национальной» ним сётэмын вал - озыен, удмурт калыкъяслэсь гожтыса кельтэм узырлыкъяс люкан, утён но калыке вёлмытон уж оскемын. 1992-тй арын юнматэм программалы луыса удмурт кылын гожтэмъясты люкан мытэмын вал. Библиотекаын ужасъяс, фондъясты чакласа, шараясы, ог 7 сюрс документ уг тырмы шуыса. Соос пöлысь 4 сюрс котырес шедьтэмын вал Венгриясь, Франциясь, Финляндиясь, Германиясь, Эстониясь, Бельгиясь, Англиясь но книгаосын вошъяськон программа берыктэмын Удмурт шаере. Библиотекаын ужасъясмы котьку син улазы возё, мае кулэ каро удмурт литератураез лыдзисъяс, эскеро библиотекаослэсь фондъяссэс - макем соос узырес.

- Верасъяс вань: туалала вакытэ, пе, вотэсын мар ке өвёл ке, озыен, со улонын но өвёл. Тй таин соглаш-а?



- Бен, библиотекамы бадзым саклык висъя удмурт кылэз вотэсын вёлмытонлы. Одйгез адзем карымон проектмы - удмурт культуралы сйзем «Воршуд» интернет-энциклопедия. Сое узырмыто библиотекаын ужасъясмы, озыи ик котькуд адями-лэн удмурт лулчеберетысь пöртэм ужпумъяс, культураез азинтйсь адямиос но проектъяс сярис статья гожтыны луонлыкъяс вань. Али сайтэ зуч но удмурт кылъясын 1 сюрслэсь уно статьяос пуктэмын. Татысь лыдзныны луэ калык культуралы но этнографилы сйзем текстъясты, тодматскыны удмурт кизилыосын но книгаосын. Озыи ик нимысьтыз фотогалерея вань - отысь адзыны луоз 19-тй-20-тй дауръясысь удмурт калык дйсез но киужъясты.

Тросэз лыдзисъясмы чөм пырало электронной библи-

отекаямы. Вотэсын книгаосты лыдзныны луэ, **elibrary.unatlib.ru** вотэс баме пырыса. Электрон амалэ выжтэмын ини ог 35 сюрс документ. Электронной библиотека ялан узырме виль книгаосын - отысь шедьтыны луоно чеберлыкъяс литератураысь текстъясты, удмурт фольклорлы, кылтодонлы, искусстволы, историлы, археологилы, этнографилы сйзем материалъясты. Со сяна, «Удмурт крезьгур» баме интыямын аудиофайлъяс - удмурт калык гуръяс, Удмуртиысь композиторъяслэн ужъясы но нылпи кырзанъяс. Электронной библиотекалы луыса мукет кунъясын но удмурт лулчеберетэн тодматскыны быгато. Статистика возматэ: Удмуртиысь калык сяна, вотэсамы чөмысь пырало Россиясь мукет улосвылъясысь но кунгож сёрысь - Венгриясь,

Пичи Пурга ёрос библиотека-ын ортчизы Павленковской лыдзёнысь.

Германиясь, Израильясь, США-ысь, Финляндиясь, Франциясь - лыдзисъяс.

Вылез ужпум - удмурт кылын гожтэм текстъяслэсь корпус кылдытон. Туала вакытэ, технологиос азинскемен, кылэн ужаны но сое азинтыны трос луонлыкъяс кылдо - «визьмо колонкаос», навигаторъяс, кылысь кылэ берыктйсь программаос но трос мукет. Корпусэз өвёлэн удмурт кыллэн со технологиосын кусып воземез уг луы.

- Шуркынмонэ Россиясь но мукет кунъясысь библиотекаослэн огъя ужзылы сйзем конференцияын вераскиды, культураез утён понна пöртэм калыкъяс огазын ужаны кулэ.

- Удмурт шаерысь вань библиотекаослэн одйгез валтйсь ужпумзы - шаерамы ульсь калыкъяслэсь сям-йылолъяссэс но аспöртэмлыкъяссэс утён, со дыре ик быдэс дуннен кусьпъясты муромытон. Йоскалык библиотека та понна пöртэм проектъясты улонэ пычатэ. Озыи ик вань улосъясысь йоскалык библиотекаос, огазын ужаса, Россиясь огъя культураез узырмыто.

2008-тй арысен элькунамы ог 40 библиотекаос йоскалык культура центрен лыдзяско. Соос пöлысь 12-ез удмурт культураез азинтэ, 8-ез - зуч культураез, 5-ез - бигер, 3-ез - пор, 2-ез - бесерман, нош 10 центръяс - ваньзэ. Библиотекамы ужа Удмуртиысь 23 калыкъяслэн йоскалык огазясъконъясынызы валче, кусып возисъясмы Нациосын ужан политика министерствоен но «Удмурт Кенеш» огазясъясмын. Чошен ми пöртэм калыкъяслэн сям-йылолъясы, юмшанъясы, осконъясы сярис тодон-валанэз вёлмытисъясмы. Удмуртиын ульсь калыкъясын тодматскыны луэ вотэсын но - «Удмуртиысь калыкъяс» проектлы (**narodudm.unatlib.ru**) луыса. Озыи ик калык кусьпъясты юнматыны юртто Евразиясь библиотекаослэн ассамблеязы но мукет финугор лыдзисъясмын юртъяс.

30 арлэсь ятыр библиотекаын ужа «Удмурт шаер» («Край удмуртский») клуб - со утле но вёлмытэ удмурт кылысь узырлыкъяс, конференцияос, книга адзытонъяс, творческой жытъяс, Удмуртиысь писательясын, суредасъясын, журналистъясын но тодосчиосын пумисъясмын радъяса. ***


ШАЕРТОДОН

Флорентий Павленковлэн пытыез

Виктория КРАМОВА

Флорентий Фёдорович Павленков (1839-1900) - Россиясь югдытйсь, книга поттйсь, публицист но меценат. Солэн нимыз кунмылэн историяз кылиз «павленковской движенилы» луыса.

Флорентий Павленков улонэз чоже ог 750 книга печатлаз, оглом тиражы 3,5 миллион лыдзяске. Кулэмез бере со вань уксёзэ библиотекаослы но писательяслэн фондзылы сйзыса кельтйз. Солэн сюлмасыкемезъя Россиясь пичи гуртъясын ог 2 сюрс лыдзисъясмын корка усътыскыиз. Отчы дунтэк зөч книгаос вуттэмын вал. Павленковской библи-



Ф. Павленков.

отекаос огдыре лулчеберетъя центръяс, музейёс но дышетонъя юртъяс вал.

Революция бере уж дугдйз, нош югдытйсьлэн

нимыз вунйз. 1992-тй арын ЮНЕСКО-лэн «Уральский следопыт» клубез павленковской библиотекаослэсь пытыезэс утчаны кутскиз. Али ЮНЕСКО бордын кылдытэмын «Содружество павленковских библиотек» клуб. Удмурт музъем вылын 1917-тй арозь усътэмын вал 48 павленковской библиотека, али 29-ез ужа на. Соос пöлысь одйгез адзымонэз - Пичи Пургаысь С. Самсонов нимо ёрос библиотека. Со усътэмын вал 1905-тй арын. Таяз арын пургаос пумитазы Павленковской лыдзёнысь вуэм библиотекарьёсты. Та конференция 2 арлы огпол ортчылэ Россиясь пöртэм улосвылъясын.

Томск, Оренбург, Свердловск, Челябинск но мукет улосвылъясысь вуэм библиотекарьёс ужзы сярис мадизы. Пумисъясмын озыи ик шараямын «Удмурт Элькунысь устоез павленковской библиотека» конкурсын вормис - со луиз Дэбес ёросысь Тыловай гуртысь библиотека. Тыловайысь библиотекарьёс азыланьто Флорентий Павленковлэсь валтйсь малпанзэ - югдытон ужен выро, удмурт литература но культура сярис тодон-валанэз калыке паськыт вёлмыто, Дэбес ёросын вордскем крезьгурчылэсь - Геннадий Корепанов-Камскийлэсь - нимзэ но творчествозэ утё.

Пичи Пурга ёрос библиотекалэн директорез Людмила Шумилова верамъя, пур-

гаос куноосты удмурт лулчеберетэз утыны быгатэмынызы паймытйзы:

- Удмурт луэммы милям чеберъяськон понна гинэ өвёл, со вирамы пычамын. Куноосмы синмасыкыса учкызы удмурт дэрэмъясмы шоры, тужгес но паймызы, ми соосты котькуд нунал но нуллыськом шуыса. «Пурга мылкыд» ансамбль но кырзаменыз шумпоттйз. Челябинскысь вуэм библиотекарь милемлы сюлэмзэ усътыз: анаез, пе, удмурт вал, нош со ачиз та дырозь тунсыкъясыськытэ удмурт луэмын. Удмурт шаере вуыса, со валаз, кытысь выжыосыз пото, пыр-поч тодэмез потйз удмурт лулчеберет сярис. Со туж шумпотытэ. ***